

Isat	Heiti atvinnugreinar	Tíðni	Sýnafjöldi	Gjald kr.
410007	Vatnsveitur, einka .....	1		20.970
171002	Vefnaðar- og spunaverksmiðjur .....	0,25		6.553
524991	Véla- og tækjasölur .....	0,5		27.086
291100	Vélsmiða- og vélaviðgerðaverkstæði .....	0,5		11.359
5020013	Viðgerðaraðstaða .....	0,5		10.485
5020013	Viðgerðaraðstaða eigin véla .....	0,5		11.534
351102	Viðhald og niðurrif skipa .....	1		27.960
152061	Vinnsla á ferskum fiski, lítil .....	0,5		13.980
152062	Vinnsla á ferskum fiski, miðlungs .....	1		34.950
152063	Vinnsla á ferskum fiski, stór .....	1		55.920
252102	Vinnsla með plast- og frauðefni .....	0,25		5.679
851144	Vistheimili .....	0,5		13.106
287301	Völsunar-, víra-, nagla- og stangaverksmiðjur .....	0,25		5.243
632101	Vöruflutningamiðstöðvar .....	1		41.940
631201	Vörugeymslur, litlar .....	1		24.465
631202	Vörugeymslur, miðlungs .....	1		34.950
631203	Vörugeymslur, stórar .....	1		41.940
851493	Yogastofur, heilun o.fl. ....	0,25		5.679
930101	Þvottahús .....	0,25		5.679
930100	Þvottahús og efnalaugar .....	0,5		13.106
752501	Æfingasvæði slökkviliðs .....	0,25		5.679
804100	Ökuskólar, flugsjólar o.fl. ....	0,25		6.116
804290	Önnur fullorðinsfræðsla og ótalin fræðsla .....	0,25		6.116
152090	Önnur ótalin fiskvinnsla .....	0,5		10.485
522700	Önnur smásala á matvöru, drykkjarvöru og tóbaki í sérverslunum .....	1	1	43.200

## SAMÞYKKT

### um breytingu á samþykkt um stjórn og fundarskóp Borgarbyggðar, nr. 362/2001, með síðari breytingum.

1. gr.

Í 45. gr. samþykktarinnar fellur 2. málsl. brott.

2. gr.

57. gr. samþykktarinnar verður svohljóðandi:

57. gr.

*Nefndir, ráð, stjórnir, tilnefningar og kosningar.*

#### A. Bæjarstjórn kýs fulltrúa í eftirtaldar nefndir, ráð og stjórnir.

1. *Bæjarráð.* Þrjú bæjarfulltrúar og þrjú til vara skv. 38. gr. sveitarstjórnarlaga nr. 45/1998. Eingöngu bæjarfulltrúar eru kjörgengir í bæjarráð sem aðalmenn. Bæjarráð er kosið árlega. Kjósa skal í bæjarráð fyrst á fyrsta eða öðrum fundi nýkjörinnar bæjarstjórnar og síðan árlega í júní ár hvert. Auk þeirra fulltrúa sem ná kjöri eiga þeir listar sem ekki fá kjörinn fulltrúa í bæjarráð rétt á að tilnefna einn bæjarfulltrúa sem áheyrnarfulltrúa hver og skal hann hafa málfrelsi og tillögurétt.
2. *Kjörstjórn.* Þrjú fulltrúar og jafnmargir til vara. Kjörstjórn er kosin á fyrsta eða öðrum fundi nýkjörinnar bæjarstjórnar til fjögurra ára. Kjörstjórn fer með þau verkefni sem henni eru falin samkvæmt ákvæðum laga um kosningar til sveitarstjórna nr. 5/1998 og laga um kosningar til Alþingis nr. 24/2000.

3. *Undirkjörstjórnir*. Þrjár undirkjörstjórnir, ein fyrir hverja kjördeild:
  - Lyngbrekkukjördeild fyrir svæðið vestan Langár.
  - Borgarneskjördeild fyrir svæðið milli Langár og Gljúfurár.
  - Þinghamarskjördeild fyrir svæðið ofan Gljúfurár.
 Í hverja undirkjörstjórn skal kjósa þrjá fulltrúa og jafnmarga til vara. Undirkjörstjórnir eru kosnar á fyrsta eða öðrum fundi nýkjörinnar bæjarstjórnar til fjögurra ára. Undirkjörstjórnir fara með kosningar samkvæmt lögum um kosningar til sveitarstjórna nr. 5/1998 og lögum um kosningar til Alþingis nr. 24/2000.
4. *Samtök sveitarfélaga á Vesturlandi*. Fjórir fulltrúar og jafnmargir til vara á aðalfund Samtaka sveitarfélaga á Vesturlandi samkvæmt lögum samtakanna. Fulltrúar bæjarins eru fyrst kosnir á fyrsta eða öðrum fundi nýkjörinnar bæjarstjórnar og síðan í júní ár hvert, vegna næstkomandi aðalfundar.
5. *Umhverfis- og skipulagsnefnd*. Fimm fulltrúar og jafnmargir til vara, sbr. skipulags- og byggingarlög nr. 73/1997. Nefndin er kosin á fyrsta eða öðrum fundi nýkjörinnar bæjarstjórnar og er kjörtímabil hennar hið sama og bæjarstjórnar. Nefndin fer með skipulags- og byggingarmál samkvæmt lögum nr. 73/1997 og reglugerðum nr. 400/1998 og nr. 441/1998. Nefndin fer með umhverfismál, náttúruverndarmál samkvæmt náttúruverndarlögum nr. 44/1999 og umferðarmál samkvæmt lögum nr. 50/1987. Nefndin fer einnig með veitumál samkvæmt ákvæðum laga og reglugerða um vatns- og hitaveitur. Nefndin fer með önnur málefni samkvæmt erindisbréfi sem henni er sett.
6. *Félagsmálanefnd*. Fimm fulltrúar og jafnmargir til vara, sbr. lög um félagsþjónustu sveitarfélaga nr. 40/1991. Félagsmálanefnd er kosin á fyrsta eða öðrum fundi nýkjörinnar bæjarstjórnar og er kjörtímabil hennar hið sama og bæjarstjórnar. Félagsmálanefnd fer með jafnréttismál samkvæmt lögum um jafna stöðu og jafnan rétt kvenna og karla nr. 96/2000 og málefni samkvæmt áfengislögum nr. 75/1998. Félagsmálanefnd hefur eftirlit með daggæslu í heimahúsum, umsjón með framkvæmd laga um málefni fatlaðra nr. 59/1992 og málefni aldraðra samkvæmt lögum um málefni aldraðra nr. 125/1999. Nefndin fer með húsnæðismál, sbr. lög um húsnæðismál nr. 44/1998, svo og húsaleigumál, sbr. húsaleigulög nr. 36/1994. Félagsmálanefnd tilnefnir þrjá fulltrúa í barnaverndarnefnd Borgarfjarðar og Dala, sbr. barnaverndarlög nr. 80/2002. Nefndin fer með önnur málefni samkvæmt erindisbréfi sem henni er sett.
7. *Menningarmálanefnd*. Fimm fulltrúar og jafnmargir til vara. Nefndin er kosin á fyrsta eða öðrum fundi nýkjörinnar bæjarstjórnar og er kjörtímabil hennar hið sama og bæjarstjórnar. Nefndin fer með stjórn Listasafns Borgarness og stjórn Menningarsjóðs Borgarbyggðar. Nefndin fer með önnur málefni samkvæmt erindisbréfi sem henni er sett.
8. *Fræðslunefnd*. Fimm fulltrúar og jafnmargir til vara. Nefndin er kosin á fyrsta eða öðrum fundi nýkjörinnar bæjarstjórnar og er kjörtímabil hennar hið sama og bæjarstjórnar. Fræðslunefnd fer með málefni leikskóla samkvæmt lögum um leikskóla nr. 78/1994, grunnskóla samkvæmt lögum um grunnskóla nr. 66/1995 (undanskilið er skólahverfi Varmalandsskóla), tónlistarskóla samkvæmt lögum um fjárhagslegan stuðning við tónlistarskóla nr. 75/1985 og samkvæmt ákvæðum samstarfssamninga sem um rekstur tónlistarskóla gilda hverju sinni og framhaldsskóla samkvæmt lögum um framhaldsskóla nr. 80/1996 og samstarfssamninga um rekstur framhaldsskóla sem gilda hverju sinni. Nefndin fer með önnur málefni samkvæmt erindisbréfi sem henni er sett.
9. *Skólanefnd* (Grunnskólinn Varmalandi). Fjórir fulltrúar og jafnmargir til vara. Skólanefnd er kosin á fyrsta eða öðrum fundi nýkjörinnar bæjarstjórnar og er kjörtímabil hennar hið sama og bæjarstjórnar. Skólanefndin fer með málefni Varmalandsskóla samkvæmt lögum um grunnskóla nr. 66/1995 og erindisbréfi og málefni Þinghamars samkvæmt samþykktum þess, auk fjármálalegrar ábyrgðar gagnvart bæjarstjórn.

10. *Tómstundanefnd.* Fimm fulltrúar og jafnmargir til vara samkvæmt heimild í sveitarstjórnarlögum og lögum um æskulýðsmál nr. 24/1970. Tómsundanefnd er kosin á fyrsta eða öðrum fundi nýkjörinnar bæjarstjórnar og er kjörtímabil hennar hið sama og bæjarstjórnar. Nefndin fer með málefni samkvæmt erindisbréfi sem henni er sett.
  11. *Landbúnaðarnefnd.* Fimm fulltrúar og jafnmargir til vara. Landbúnaðarnefnd er kosin á fyrsta eða öðrum fundi nýkjörinnar bæjarstjórnar og er kjörtímabil hennar hið sama og bæjarstjórnar. Landbúnaðarnefnd fer með landbúnaðarmálefni, sbr. lög um búfjárhald o.fl. nr. 103/2002 og lög um vernd, friðun og veiðar á villtum fuglum og villtum spendýrum nr. 64/1994. Nefndin fer með önnur málefni samkvæmt erindisbréfi sem henni er sett.
  12. *Afréttarnefndir.* Kosnir eru þrjár fulltrúar og jafnmargir varafulltrúar í fimm afréttarnefndir, eina fyrir hvert eftirtalinn svæða:
    - a. fyrrum Borgarhrepp,
    - b. fyrrum Hraunhrepp,
    - c. fyrrum Álftaneshrepp,
    - d. Stafholtstungur og Norðurárdal vestan Norðurár og
    - e. Stafholtstungur, Þverárhlið og Norðurárdal sunnan Norðurár.
 Afréttarnefndir eru kosnar á fyrsta eða öðrum fundi nýkjörinnar bæjarstjórnar og er kjörtímabil þeirra hið sama og bæjarstjórnar. Afréttarnefndir fara með afréttar- og fjallskilamál undir yfirstjórn bæjarstjórnar. Formenn afréttarnefnda fara með atkvæðisrétt í veiðifélögum fyrir afréttarlandi.
  13. *Starfskjaranefnd.* Tveir bæjarfulltrúar og tveir til vara. Annar fulltrúinn skal jafnframt vera fulltrúi í bæjarráði. Nefndin skal kosin á fyrsta eða öðrum fundi nýkjörinnar bæjarstjórnar. Starfskjaranefnd fer með verkefni samkvæmt samkomulagi launanevndar sveitarfélaga og Starfsmannafélags Borgarbyggðar.
  14. *Skoðunarmenn bæjarsjóðsreikninga.* Tveir skoðunarmenn og jafnmargir til vara samkvæmt sveitarstjórnarlögum nr. 45/1998. Skoðunarmenn bæjarsjóðsreikninga eru kosnir á fyrsta fundi nýkjörinnar bæjarstjórnar.
- B. Stjórnir og samstarfsráð.** Hér er um að ræða stjórnir stofnana með sjálfstæðan fjárhag og tilnefningar í samstarfsráð sem hafa endanlegt ákvörðunarvald í málefnum sínum, þ.e. þurfa ekki staðfestingu bæjarstjórnar til að koma málum í framkvæmd, innan ákveðins fjárhagslegs ramma. Kjörtímabil þeirra er samkvæmt samþykktum um stjórn viðkomandi stofnunar.
1. *Héraðsnefnd Mýrasýslu.* Fimm fulltrúar og jafnmargir til vara samkvæmt samþykktum nefndarinnar. Fulltrúar sveitarfélagsins eru kosnir á fyrsta eða öðrum fundi nýkjörinnar bæjarstjórnar og síðan í júní ár hvert, vegna næstkomandi aðalfundar.
  2. *Almannavarnanefnd Mýra- og Borgarfjarðarsýslu.* Einn fulltrúi og annar til vara. Fulltrúi bæjarins er kosinn á fyrsta eða öðrum fundi nýkjörinnar bæjarstjórnar og er kjörtímabil hans hið sama og bæjarstjórnar.
  3. *Stjórn Dvalarheimilis aldraðra.* Tveir fulltrúar og jafnmargir til vara samkvæmt samþykktum fyrir Dvalarheimilið. Fulltrúar bæjarfélagsins eru kosnir á fyrsta eða öðrum fundi nýkjörinnar bæjarstjórnar og er kjörtímabil þeirra hið sama og bæjarstjórnar.
  4. *Landsþing Sambands íslenskra sveitarfélaga.* Tveir fulltrúar og jafnmargir til vara samkvæmt lögum sambandsins. Fulltrúar bæjarins eru kosnir á fyrsta eða öðrum fundi nýkjörinnar bæjarstjórnar og er kjörtímabil þeirra hið sama og bæjarstjórnar.
  5. *Fulltrúaráð Eignarhaldsfélags Brunabótafélags Íslands.* Einn fulltrúi og annar til vara samkvæmt lögum um Brunabótafélag Íslands. Fulltrúi bæjarins er kosinn á fyrsta eða öðrum fundi nýkjörinnar bæjarstjórnar og er kjörtímabil hans hið sama og bæjarstjórnar.

6. *Fulltrúaráð Sparisjóðs Mýrasýslu*. Átján fulltrúar og jafnmargir til vara samkvæmt lögum um fjármálastofnanir og samþykktum sjóðsins. Fulltrúar bæjarins eru kosnir á fyrsta eða öðrum fundi nýkjörinnar bæjarstjórnar og er kjörtímabil þeirra hið sama og bæjarstjórnar.
7. *Stjórn Safnahúss Borgarfjarðar*. Bæjarstjórn tilnefnir fulltrúa samkvæmt samþykktum þess.
8. *Fulltrúaráð Fjölbrautaskóla Vesturlands*. Þrír fulltrúar og jafnmargir til vara samkvæmt samningi um skólann og ákvæðum laga um framhaldsskóla nr. 80/1996. Fulltrúar sveitarfélagsins eru kosnir á fyrsta eða öðrum fundi nýkjörinnar bæjarstjórnar og er kjörtímabil þeirra hið sama og bæjarstjórnar.
9. *Hagasjóður*. Þrír fulltrúar úr fyrrum Hraunhreppi í stjórn Hagasjóðs. Stjórnin skal kosin á fyrsta eða öðrum fundi nýkjörinnar bæjarstjórnar og er kjörtímabil hennar hið sama og bæjarstjórnar. Stjórn fer með verkefni samkvæmt skipulagsskrá fyrir Hagasjóð nr. 593/1994.
10. *Húsnefnd Lyngbrekku*. Þrír fulltrúar og jafnmargir til vara. Húsnefndin skal kosin á fyrsta eða öðrum fundi nýkjörinnar bæjarstjórnar og er kjörtímabil hennar hið sama og bæjarstjórnar. Húsnefnd fer með rekstur félagsheimilisins Lyngbrekku samkvæmt lögum um félagsheimili og samþykktum fyrir Lyngbrekku.
11. *Húsnefnd Valfells*. Þrír fulltrúar og jafnmargir til vara. Húsnefndin skal kosin á fyrsta eða öðrum fundi nýkjörinnar bæjarstjórnar og er kjörtímabil hennar hið sama og bæjarstjórnar. Húsnefnd fer með rekstur félagsheimilisins Valfells samkvæmt lögum um félagsheimili og samþykktum fyrir Valfell.
12. *Húsnefnd samkomuhússins við Þverárrétt*. Tveir fulltrúar og jafnmargir til vara. Húsnefndin skal kosin á fyrsta eða öðrum fundi nýkjörinnar bæjarstjórnar og er kjörtímabil hennar hið sama og bæjarstjórnar. Húsnefnd fer með rekstur samkomuhússins samkvæmt lögum um félagsheimili og samþykktum fyrir samkomuhúsið við Þverárrétt.

### 3. gr.

1. másl. 1. mgr. 65. gr. samþykktarinnar verður svohljóðandi.

Fyrir lok desembermánaðar ár hvert skal bæjarstjórn afgreiða fjárhagsáætlun bæjarsjóðs, fyrirtækja og stofnana bæjarfélagsins fyrir komandi ár að undangengnum tveimur umræðum í bæjarstjórn.

### 4. gr.

Í stað orðanna „innan eins mánaðar“ í 68. gr. samþykktarinnar kemur: innan tveggja mánaða.

Samþykkt þessi, sem bæjarstjórn Borgarbyggðar hefur sett samkvæmt ákvæðum 10. og 25. gr. sveitarstjórnarlaga nr. 45/1998, staðfestist hér með til að öðlast þegar gildi.

*Félagsmálaráðuneytinu, 21. júní 2005.*

F. h. r.

**Guðjón Bragason.**

---

*G. Dýrleif Kristjánsdóttir.*